Lamentu di picciottu·

Ccassupra 'sta tirrazza a Taurmina cu 'sta brezza chi ciucia da marina cu 'sta luci chi 'ndora lu iardinu cu 'stu mari di splendidu azzurrinu -com'un mantu di sita d'un rignanti timpistatu di perli e di diamanticca 'nna 'sta terra amabili e firaci jo sulu ancora nun ci trovu paci! 'Nna 'sti posti filici e luminusi, costi di li sireni e di li musi. c'è 'na malìa chi l'animu t'oscura comu fussi 'ncantesimu o fattura chi veni di li tempi di 'qnuranza 'mpastati di chiusura e tracutanza. Dunni natura è duci e profumata e la vita putissi essiri biata ficiru un cimiteru pi li vivi chinu di priggiurizzi e di currivi! Ch'è tristi 'nna sti beddi paesaggi starisi comu 'nchiusi 'nna li gaggi ch'aspetti cu t'accatta o cu ti spara pi mòriri d'ossegui o di lupara!

Salvatore Ingrassia

• Lamento di giovane. Qui sopra questa terrazza a Taormina/con questa brezza che soffia dalla marina/con questa luce che indora il giardino/con questo mare di splendido azzurrino/come un manto di seta di regnante/ tempestato di perle e diamanti/qui in questa terra amabile e ferace/ io solo ancora non vi trovo pace/In questi posti felici e luminosi/ coste di sirene e di muse,/c'è una malia che l'animo t'oscura/come incantesimo o fattura/che risale a tempi di Ignoranza/oscurati da chiusura e tracotanza./Dove natura è dolce e profumata/ e la vita potrebbe essere beaia/han fatto un

cimitero per i vivi/pieno di pregiudizi e di odi!/ Ch'è triste con questi bei paesaggi/starsene come chiusi in una gabbia/aspettando chi ti compra o ti spari/per morire di ossequi o di lupara!

Da "Spiragli", anno IV, n.2, 1992, pag. 56.